

RESOLUCIÓN PRESIDENCIAL

NÚMERO EXPEDIENTE	2023076136
ASUNTO	Implantación dunha plataforma museográfica virtual para a posta en valor, como recurso turístico, dos castros de Troña e Altamira; e do servizo de soporte e mantemento da mesma, no marco do PRTR Compoñente 14 – Plan de Sostenibilidade Turística en destino – NextGenerationEU”
TRÁMITE	Aprobación do expediente.

PMC/jrf

A deputada delegada da Área de Infraestruturas públicas, Mobilidade e Contratación, en virtude das competencias atribuídas pola Presidencia, dita a seguinte RESOLUCIÓN

En resposta á crise sen precedentes causada polo coronavirus, o Consello Europeo aprobou o 21 de xuño de 2020 a creación do programa Next Generation EU, como o maior instrumento de estímulo económico nunca antes financiado pola Unión Europea, instrumentándose a súa execución a través do Plan de Recuperación Transformación e Resiliencia (PRTR) Como parte do Compoñente 14, incluíuse o Programa de Plans de Sustentabilidade Turística en Destinos, concibidos como proxectos que permiten ás Entidades locais configurar en cada territorio e destino unha resposta ante os retos da sustentabilidade turística. Así, a Deputación de Pontevedra presentou o “Plan de Sustentabilidade Turísticas en Destino Condado – Paradanta. Unha terra entre ríos”, obtendo a concesión a través da Resolución do 4 de xaneiro de 2022 da Secretaría de Estado de Turismo, e contemplándose dentro da Actuación 6 “*Ferramentas dixitais para a interpretación de castros e pesqueiras*” a implantación dunha plataforma museográfica virtual para a posta en valor como recurso turístico dos castros de Troña e Altamira. En consecuencia co anterior, mediante Resolución Presidencial nº 2023008077 de data 27/10/2023, aprobouse o expediente nº 2023058883 para a contratación, por un lado, do servizo de implantación dunha plataforma museográfica virtual para a posta en valor como recurso turístico dos castros de Troña e Altamira, e por outro lado, do servizo de mantemento da mesma, que permitira crear ferramentas dixitais que faciliten a interpretación do patrimonio castrexo a través de experiencias inmersivas e envolventes mediante un sistema de Realidade Aumentada, e que permitira engadir capas de información visual sobre os bens patrimoniais, publicándose na mesma data o anuncio de licitación do procedemento aberto no perfil do contratante.

Mediante Resolución Presidencial número 2023009205, de data 01/12/2023, declarouse deserto dito procedemento, sendo polo tanto necesario agora a tramitación dun novo expediente có mesmo obxecto e xustificación co anterior, xa que se trata dunha das



actuacións incluídas en dito plan, e cuxa realización se esixe para poder cumprir cos seus fitos e obxectivos. O servizo xestor informa que a declaración de deserto foi debida á redacción de certos puntos incluídos no prego de prescricións técnicas, que foron modificados e adaptados para a súa mellor comprensión e esclarecemento.

As actividades do servizo de Turismo Rías Baixas baséanse na cooperación no fomento do desenvolvemento económico do territorio provincial tal e como sinala o art. 36.1.d da Lei de Bases de Réxime local. Para ese efecto os obxectivos desta institución están en liña co Plan de Recuperación, Transformación e Resiliencia, así como coas convocatorias e proxectos que se pretenden executar e está xustificado anteriormente.

O servizo de Turismo Rías Baixas non dispón dos medios materiais e humanos adecuados para a realización dos traballos que son obxecto do contrato, ao tratarse de traballos que requiren de persoal especializado e con experiencia na súa realización, o que implica un perfil profesional do que non se dispón suficientemente en estrutura, especialmente cuantitativamente, sen que poidan ser suplidos polo servizo de Novas Tecnoloxías.

En base ao exposto, con data 20/12/2023, a Deputada Delegada de Turismo, en virtude das competencias delegadas pola Presidencia en materia de contratación, dita providencia de inicio na que propón a contratación da "Implantación dunha plataforma museográfica virtual para a posta en valor, como recurso turístico, dos castros de Troña e Altamira; e do servizo de soporte e mantemento da mesma, no marco do PRTR Compoñente 14 – Plan de Sostenibilidade Turística en destino – NextGenerationEU". O contrato proposto ten un prazo de execución para a implantación e subministración da plataforma de 12 meses, e un prazo máximo de duración para o servizo de mantemento de 36 meses. O orzamento base de licitación é de 72.649,42 €. Xunto coa proposta, o servizo achega o prego de prescricións técnicas.

Con data 10/01/2024, o servizo de Contratación solicita o preceptivo informe de verificación de ausencia de dobre financiación do expediente á Intervención, sendo emitido favorablemente con data 12/01/2024.

Visto que, con data 17/01/2024, Intervención emite Documento RC nº 202400011813 polo importe de 46.226,90 €, con cargo á aplicación orzamentaria 24/433.4325.642.00 do vixente orzamento provincial (destinado á plataforma); Documento RC nº 202400011814 por importe de 19.360 €, con cargo á aplicación orzamentaria 24/433/4325.652.99 do vixente orzamento provincial (destinado a sinalética); e Documento RC de exercicios futuros nº 202400011815, por importe de 2.354,18 €, con cargo a aplicación orzamentaria 24/433.4325.227.99 do vixente orzamento provincial (destinado ó soporte e mantemento); quedando condicionado o gasto para todas as futuras anualidades (2025, 2026 e 2027) á aprobación dos seus orzamentos e á existencia de crédito axeitado e suficiente nas súas correspondentes aplicacións orzamentarias que serán, no seu caso, a 25/433.4325.227.99, 26/433.4325.227.99 e 27/433.4325.227.99 (destinadas ó soporte e mantemento).

Visto que, con data 17/01/2024, Intervención emite informe sobre os documentos RC sinalando o seguinte:



"Nas aplicacións 24/433.4325.642.00 e 24/433.4325.652.99 do vixente orzamento provincial non existe crédito para facer fronte ao gasto da anualidade 2024. Non obstante, si existe nas súas vinculacións xurídicas, a cuxo efecto se emitiron os documentos RC nº 202400011813 e nº 202400011814 por importe de 46.226,90 € (Plataforma) e 19.360,00 € (Señalética), respectivamente.

A retención de crédito a nivel de bolsa supón a diminución do crédito dispoñible para a realización doutros gastos imputables á mesma, o que deberá terse en conta polos xestores de gasto, a efectos de evitar situacións de inexistencia ou insuficiencia de crédito para gastos necesarios e non afectar ao cálculo da estabilidade e regra do gasto para o exercicio en curso."

O servizo de Contratación elabora o borrador de prego de cláusulas económico-administrativas particulares, e, con data 18/01/2024 solicita o preceptivo informe á Secretaría.

Tendo en conta o informe favorable da Secretaría Xeral, de data 19/01/2024 e as observacións contidas no mesmo.

Visto que con data 22/01/2024, o servizo de Contratación solicita o preceptivo informe de fiscalización á Intervención, nos termos previstos na Lei 47/2003, de 26 de novembro, Xeral Orzamentaria.

Con data 19/02/2024, o xefe do servizo de Contratación emite memoria xustificativa para a pretendida contratación, na que informa que o réxime xurídico aplicable é o propio dun contrato mixto de servizos. O procedemento a aplicar é o procedemento aberto, por tratarse do procedemento ordinario conforme ó artigo 131.2 LCSP.

Tendo en conta o informe favorable da Intervención, de data 19/02/2024 coas seguintes observacións e recomendacións:

"1.-No informe de Secretaría recóllese que: "Non obstante, da documentación obrante no expediente non se ten coñecemento que se trate de bens pertencentes á Deputación ou se existe algún convenio de colaboración entre os concellos e o ente provincial para levar a cabo ditas actuacións".

A este respecto sinalar que, dado que os Castros de Troña e Altamira non son de titularidade provincial, cabe advertir da necesidade de tramitarse coa maior celeridade posible os respectivos convenios de colaboración cos Concellos e/ou entidades titulares dos mesmos. Ademais, para a realización deste tipo de actuacións debe, con carácter xeral, tramitarse previamente un protocolo de accións a desenvolver.

2.-A raíz do recollido no apartado anterior, e visto que a presente contratación inclúe 36 meses de soporte e mantemento financiado integramente pola Deputación, debe terse en conta, por un lado, que o mantemento do investimento debe efectuarse como mínimo por 5 anos de acordo coa lexislación aplicable e, por outro, ao tratarse de bens doutras entidades, nos respectivos convenios deben regularse as obrigas de dito mantemento o seu financiamento polas mesmas.



3.-(*) *Respecto dos apartados 6, 7 e 8 dos aspectos específicos PRTR: O subproxecto correspondente á actuación proposta non establece fitos e obxectivos, nin obrigas referidas ao etiquetado verde ou dixital de aplicación, o que xustifica a non inclusión destas referencias nos pregos nin na documentación anexa.*

4.-*Na cláusula 10.1 do apartado I. "Cláusulas particulares" do prego de cláusulas económico-administrativas particulares recóllense varios criterios avaliábles mediante un xuízo de valor. A este respecto sinalar que, con carácter xeral deben, sempre e cando sexa posible, primar os criterios obxectivos e dar preponderancia a aqueles que fagan referencia a características do obxecto do contrato que se poidan valorar mediante cifras ou porcentaxes obtidos mediante a mera aplicación das fórmulas establecidas nos pregos, de acordo co recollido no artigo 146.2 da LCSP.*

No informe técnico de valoración das ofertas, deben recollerse de forma clara as razóns nas que se fundamentan as puntuacións acadadas por cada licitador, sen que se poidan incluír aspectos que non figuren recollidos previamente no prego de cláusulas económico-administrativas particulares dentro de cada criterio/subcriterio e máis, neste caso, no que o peso porcentual destes criterios de xuízos de valor é tan elevado.

5.- *Recordar que, en todo caso, con carácter previo á adxudicación deberá acreditarse o cumprimento das esixencias en materia de análises de risco de conflito de intereses, nos termos definidos na Orde HFP/55/2023, de 24 de xaneiro, relativa á análise sistemática do risco de conflito de intereses nos procedementos que executan o Plan de Recuperación, Transformación e Resiliencia, de maneira que ademais da sinatura dos DACI, se incorpore o resultado da análise correspondente á aplicación MINERVA."*

Tendo en conta o artigo 18 da Lei 9/2017, de 8 de novembro, de Contratos do Sector Público, segundo o cal entenderase por contrato mixto aquel que conteña prestacións correspondentes a outro u outros de distinta clase; e que cando comprenda prestacións propias de dous ou mais contratos de obras, subministracións ou servizos, atenderase ao carácter da prestación principal, sendo neste caso o servizo de implantación da plataforma virtual.

Tendo en conta o artigo 50.2 Real Decreto-lei 36/2020, do 30 de decembro, polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia, e a Resolución Presidencial, nº 2023001137, de data 10 de febreiro de 2024, que establece a preferencia dos contratos e acordos marco que se vaian a financiar con fondos europeos para o seu despacho sobre calquera outro polos distintos órganos que interveñan na súa tramitación. Así mesmo, os prazos para emitir os respectivos informes quedarán reducidos a cinco días naturais, sen que caiba prórroga algunha deste prazo.

Tendo en conta os artigos 116 e 117 da Lei 9/2017, de 8 de novembro, de Contratos do Sector Público, que establecen que a celebración de contratos por parte das Administracións Públicas requirirá a previa tramitación do correspondente expediente, que se iniciará polo órgano de contratación motivando a necesidade y que deberá ser



publicado no perfil do contratante. Completado o expediente de contratación, ditarase resolución motivada polo órgano de contratación aprobando o mesmo e dispoñendo a apertura do procedemento de adxudicación. Dita resolución implicará tamén a aprobación do gasto.

Tendo en conta o artigo 122.1 da Lei 9/2017, de 8 de novembro, de Contratos do Sector Público, que establece que os pregos de cláusulas administrativas particulares deberán aprobarse previamente á autorización do gasto ou conxuntamente coa mesma, e sempre antes da licitación do contrato, ou, de non existir esta, antes da súa adxudicación.

Á vista do exposto, tendo en conta a disposición adicional segunda da Lei 9/2017, de 8 de novembro, de Contratos do Sector Público; do artigo 185 do Real decreto lexislativo 2/2004, de 5 de marzo, polo que se aproba o texto refundido da Lei reguladora das facendas locais; da base de execución do orzamento 16ª.1a), e da Resolución Presidencial número 2023006130, de 2 de agosto do 2023, de delegación de atribucións da Presidencia nos centros e áreas de servizos, concretada mediante Resolución Presidencial número 2023006250, de 8 de agosto do 2023, **RESOLVO:**

1.- Aprobar o expediente para a contratación, mediante procedemento aberto, da "Implantación dunha plataforma museográfica virtual para a posta en valor, como recurso turístico, dos castros de Troña e Altamira; e do servizo de soporte e mantemento da mesma, no marco do PRTR Compoñente 14 – Plan de Sostenibilidade Turística en destino – NextGenerationEU"

A implantación que é obxecto deste contrato, deberá realizarse no prazo máximo de execución de 8 meses e, en todo caso, antes do 10 de Decembro de 2024. Este periodo dividirase nas seguintes fases:

- Planificación e deseño da plataforma (máximo 2 meses)
- Posta en marcha do entorno de preproducción (máximo 4 meses)
- Posta en marcha en produción (máximo 2 meses)

O prazo máximo para a implantación finalizará coa aceptación pola Deputación de Pontevedra da entrega e posta en marcha do sistema de produción. A partir de esa data, dará comezo o servizo de soporte e mantemento, cun prazo máximo de duración de 36 meses, a contar dende a firma da acta de recepción da subministración.

No caso de que o Ministerio de Industria e Turismo conceda prórrogas no marco da convocatoria do proxecto PSTD Condado-Paradanta, poderá ampliarse o prazo ata a metade do prazo establecido inicialmente para a duración dos traballos.

O orzamento base de licitación (límite máximo de gasto, incluído o IVE) ascende á cantidade de 72.649,42 €

O valor estimado é de 60.040,84 €



2.- Aprobar os pregos de cláusulas económico-administrativas particulares (CSV: EKQT34U5EJBj2HSM) e de prescricións técnicas (CSV: WX3ZT4S7ZRFHMI8P) que rexerán dita contratación.

3.- Autorizar o gasto polo importe máximo de 72.649,42 €, distribuíndose 46.226,90 € con cargo á aplicación orzamentaria 24/433.4325.642.00 do vixente orzamento provincial (destinado á plataforma), 19.360 € con cargo á aplicación orzamentaria 24/433/4325.652.99 do vixente orzamento provincial (destinado a sinalética); 2.354,18 € con cargo a aplicación orzamentaria que será, no seu caso a 25/433.4325.227.99 do orzamento provincial correspondente ó exercicio 2025 (destinado ó soporte e mantemento); 2.354,17 € con cargo a aplicación orzamentaria que será, no seu caso a 26/433.4325.227.99 do orzamento provincial correspondente ó exercicio 2026 (destinado ó soporte e mantemento); e 2.354,17 € con cargo a aplicación orzamentaria que será, no seu caso a 27/433.4325.227.99 do orzamento provincial correspondente ó exercicio 2027 (destinado ó soporte e mantemento).

En todo caso, a distribución do financiamento poderá sufrir modificacións en función data de formalización do contrato, e o gasto para todas as anualidades futuras (2025, 2026 e 2027) queda condicionado á aprobación dos seus respectivos orzamentos e á existencia de crédito axeitado e suficiente nas correspondentes aplicacións orzamentarias.

4.- Nomear responsable do contrato a Ruth González Reyes, Xefa do servizo Turismo Rías Baixas da Deputación de Pontevedra.

5.- Dispoñer a apertura do procedemento de adxudicación, concedendo un **prazo para a presentación de proposicións** que rematará ás 10:00 horas do día seguinte ao transcurso do prazo de 15 días naturais, contados desde o día seguinte ao da publicación do anuncio de licitación do contrato no perfil do contratante.

Contra esta Resolución, que pon fin á vía administrativa poderá interpoñer recurso potestativo de reposición ante a Presidencia, no prazo dun mes, a partir do día seguinte ao desta notificación (artigos 112 e 124 da Lei 39/2015 de 1 de outubro do Procedemento Administrativo Común das Administracións Públicas, ou ben, directamente recurso contencioso-administrativo ante o Xulgado do Contencioso-Administrativo de Pontevedra, no prazo establecido no artigo 46 da Lei 29/1998, do 13 de xullo Reguladora da Xurisdición Contencioso-Administrativa. Todo iso sen prexuízo do cal poida utilizar calquera outro recurso que considere conveniente.

Documento asinado electronicamente

